

四庫全書

子部

欽定四庫全書

子部

黃氏日抄卷十九

詳校官中書_臣康綸鈞

刑部郎中_臣許兆椿覆勘

總校官進士_臣楊懋珩

校對官監丞_臣張曾炳

謄錄監生_臣劉為翰

欽定四庫全書

黃氏日抄卷十九

宋黃震撰

讀禮記六

郊特牲第七

郊特牲而社稷大牢天子適諸侯諸侯膳用犢諸侯適
天子天子賜之禮大牢貴誠之義也故天子牲孕弗食
也祭帝弗用也

祭天一牲祭社稷反三牲諸侯膳天子一牲天子禮

諸侯亦反三牲是所貴不在物而在誠也夫誠者純一而未散者也牲孕則散矣故天子弗食而祭帝弗

用也

用周氏補

大路繫纓一就先路三就次路五就郊血大饗腥三獻燭一獻孰至敬不饗味而貴氣臭也諸侯為賓灌用鬱

鬯灌用臭也大饗尚服脩而已矣

繫步干反燭夕廉反服丁喚反

大路祭天之木路繫馬腰帶纓其鞅也就者五色絲一匝也先路者殷三路猶質以對次路故稱先路三

就者每加以兩也次路則五就矣禮器言次路七就
此云五就長樂陳氏謂次路有五就七就者次路盖
兼草木二路五就七就庸豈一車耶灌猶獻也服脩
者加薑桂曰服脩謂捶肉如服以薑桂脩之。此承
上文明以少為貴鄭氏

大饗君三重席而酢焉三獻之介君專席而酢焉此降
尊以就卑也

諸侯之席三重諸侯相饗獻酢禮敵至於他國之卿

來聘大夫為之介而卿禮行三獻則主君去重席之尊就單席而受是為降尊就卑

饗禘有樂而食嘗無樂陰陽之義也凡飲養陽氣也凡食養陰氣也故春禘而秋嘗春饗孤子秋食耆老其義一也而食嘗無樂飲養陽氣也故有樂食養陰氣也故無聲凡聲陽也

此明飲屬陽作樂食屬陰不作樂然考於商頌周官則食嘗未有不用樂說者遂以為夏之制然此禮文

之末漢人記舊聞耳不必泥也

補

鼎俎奇而籩豆偶陰陽之義也籩豆之實水土之品也

不敢用藜味而貴多品所以交於旦明之義也

旦音神陸氏如

字

籩實若菱芡豆實若芹蒲皆水产品籩實若棗栗豆實

若菁韭皆土品水土之品非人所常食故曰不敢用

藜味或土或水所取不一故曰貴多品旦明古注以

為神明山陰陸氏曰旦明指裸獻之時至朝而踐則

象朝時事親所進則且當如字不必改為神也 鼎

俎之實以天產為主而天產陽屬故其數奇籩豆之

實以地產為主而地產陰屬故其數偶不敢用褻味

所以內盡志而貴多品所以外盡物

陳氏

賓入大門而奏肆夏示易以敬也卒爵而樂闋孔子屢

歎之奠酬而工升歌發德也歌者在上匏竹在下貴人

聲也樂由陽來者也禮由陰作者也陰陽和而萬物得

賓指朝聘而來者易言和悅卒爵酬酢禮畢也闋終

也屢數也歎美也奠酬謂主獻賓賓酢主主又酬賓
爵已三行賓奠置其爵而不再舉也。饗始於入門
而奏肆夏終於卒爵而樂闋孔子屢屢歎美之蓋奠
酬則禮成賓主之德可知工升堂上而歌清廟所以
發其德也在上者以歌為主在下者以匏竹為主而
歌在上則以人聲為貴也樂由陽來禮由陰作獨陰
不生獨陽不成生成相濟其氣乃和和則萬物不失

其性矣

陸氏
方氏

旅幣無方所以別土地之宜而節遠邁之期也龜為前列先知也以鍾次之以和居參之也虎豹之皮示服猛也束帛加璧往德也

旅衆也馬氏曰陳也衆之所陳也幣庭實也鍾即金貢金鑄器為鍾也。龜也鍾也虎豹之皮也束帛也皆幣也衆陳之而無方以土地各有宜不求於不產遠邁各有節不責之非時龜能前知陳之最前金為鍾性和厠居龜帛之間故云以和居參之幣以虎豹

之皮者示王者之威足以服猛幣以璧者君子以玉
比德加璧於束帛之上者示主有德為人所歸往也

孔氏
馬氏

庭燎之百由齊桓公始也大夫之秦肆夏也由趙文子
始也

天子庭燎百齊桓公以諸侯始僭之諸侯納賓秦肆

夏趙文子以晉大夫始僭之

用孔
氏補

朝覲大夫之私覲非禮也大夫執圭而使所以申信也

不敢私覲所以致敬也而庭實私覲何為乎諸侯之庭
為人臣者無外交不敢貳君也

諸侯相朝覲大夫從行不當行私覲惟大夫受命出
使於諸侯則行私覲所以申信也從諸侯行而不敢
私覲者所以致敬也

補

大夫而饗君非禮也大夫強而君殺之義也由三桓始
也天子無客禮莫敢為主焉君適其臣升自阼階不敢
有其室也覲禮天子不下堂而見諸侯下堂而見諸侯

天子之失禮也由夷王以下

大夫強而君殺之如齊殺無知衛殺州吁宋殺長萬
陳殺三良大夫強君由是弱有殺之者更以為義其
強則三家有以啟之故曰自三桓始也黃氏曰魯豈
能殺強臣哉殺者降殺之義也謂大夫無饗君之禮
三桓勢強而君政微故降殺之而為大夫所饗此章
本記大夫饗君失禮之由非言殺臣之事黃說為勝

集陳氏
黃氏

諸侯之宮縣而祭以白牡擊玉磬朱干設錫冕而舞大武乘大路諸侯之僭禮也臺門而旅樹反坫繡黼丹朱中衣大夫之僭禮也故天子微諸侯僭大夫強諸侯脅於此相貴以等相覲以貨相賂以利而天下之禮亂矣諸侯不敢祖天子大夫不敢祖諸侯而公廟之設於私家非禮也由三桓始也

宮縣者鍾磬之屬縣於簋簠謂之縣天子之制四面皆縣如宮室之有牆故謂之宮縣諸侯則去其一面

猶軒車之有藩謂之軒縣白牡殷牲殷尚白也大路
殷路殷乘木路也凡皆天子乃得兼用之天子擊玉
磬諸侯石磬朱干設錫者朱色為盾用金琢傅於盾
背大武諸侯雖亦得舞武惟天子則冕而舞臺門者
築土為臺其上立門旅道也樹立也樹立於旅道而
立屏反坫據周書注向外室也鄭氏云反爵之坫五
色備曰繡白與黑曰黼丹朱中衣者以丹朱為中衣
之緣飾正服在外其中為中衣。諸侯僭天子大夫

僭諸侯相貴以等夷相覲相賂以貨利而天下之禮

亂補

天子存二代之後猶尊賢也尊賢不過二代

尊往者之賢而封其後太遠則不相及補

諸侯不臣寓公故古者寓公不繼世

寓公失地之君寄寓於他國者也以其當南面故不

臣之以其失地則不能自紹其先故不使繼世用方氏補

君之南鄉答陽之義也臣之北面答君也大夫之臣不

稽首非尊家臣以辟君也

君南鄉對天臣北面對君大夫不使其家臣稽首嫌

於以君自處所以辟國君也

用孔氏補

大夫有獻弗親君有賜不面拜為君之答已也

諸侯雖有君道然亦天子之臣故於大夫有相答之

禮凡大夫有獻於君及君有賜於大夫皆託於小臣

以出入而不敢親面慮煩君之答已也

用方氏補

鄉人揚孔子朝服而立于阼存室神也

揚鄭讀如傷近音陽

楊鄭氏謂強鬼名陸氏葉氏

讀楊如陽

謂讎有二名曰讎

猶禳也以禦陰為義曰禳猶禳也以抗陽為義

孔子曰射之以樂也何以聽何以射孔子曰士使之射不能則辭以疾縣弧之義也

射以樂為節善其兩事相應故曰何以聽何以射言其聽於彼而射於此聽以耳而射以手妙合為難也射者男子之事始生縣弧門左示有射道而未能今

既長不能射而辭以疾故云縣弧之義

用孔氏補

孔子曰三日齋一日用之猶恐不敬二日伐鼓何居

音姬

齋者不樂專一其心也三日齋而二日伐鼓祭者情

散意逸故譏而問之

家語載季桓子將祭齋三日而二日鍾鼓音不絕蓋其事

孔子曰繹之於庫門內祊之於東方朝市之於西方失之矣

祊當在廟門外之西室繹又於其堂神位在西也此

二者同時而大名曰繹其祭禮簡而事尸禮大朝市

當在市東偏

周禮市有三期大市日側而市朝市朝時而市夕市夕時而市

社祭土而主陰氣也君南鄉於北墉下答陰之義也日用甲用日之始也天子大社必受霜露風雨以達天地之氣也是故喪國之社屋之不受天陽也薄社北牖使

陰明也

喪息
浪反

北墉社內北墻也喪國之社存亡國之社為戒也主於此而言則曰勝社本其地而言則曰薄社薄即亳

古者東有亳社西有國社故以朝廷執政之地為間于兩社

社祭土主陰氣故祭

社時社在南設主壇上而北面君立北墻下而南鄉

祭之是答陰之義也日用甲者陽始於甲而物生故
社用甲陰極於辛而物成故郊用辛風雨至則萬物
生霜露降則萬物成故社不為屋以受風雨霜露使
天地之氣通薄社即殷喪國之社故屋之不使通惟
開北牖示絕陽而通陰

孔氏
方氏

社所以神地之道也地載萬物天垂象取財於地取法
於天是以尊天而親地也故教民美報焉家主中雷而
國主社示本也唯為社事單出里唯為社田國人畢作

唯社丘乘共粢盛所以報本反始也

社國所祀中雷家所祀皆土神社事祭社事單盡出里謂離所居社田為社而田獵取獸供社祭畢亦盡作起行丘乘十六井為丘出車一乘丘言地乘言賦粢稷也在器曰盛。地有其物天垂其象所謂在天成象在地成形載物以利民用故言取財於地垂象以示民則故言取法於天尊天故惟天子祭天親地故教民莫不祭地家祭地於中雷國祭地於社皆示

生養之本在地也唯社祭傾里而出唯社田舉國而行唯盡丘乘皆共粢盛唯社為然而他事則不然報

本反始之禮重也

用鄭氏方氏補

季春出火為焚也然後簡其車賦而歷其卒伍而君親誓社以習軍旅左之右之坐之起之以觀其習變也而流示之禽而鹽諸利以觀其不犯命也求服其志不貪其得故以戰則克以祭則受福

鹽去聲

火星以春見木氣終於辰而火生繼之也故以季春

出火焚為燒除宿草簡擇也歷有試之意車賦即司馬法自六尺為步積而至通十為乘出革車一乘卒伍者五人為伍五伍為兩四兩為卒軍法立於伍成於卒流示之禽者驅其禽而示之絡繹迅速如流鹽讀為艷驅禽而示之是歌艷之以利也不犯命者謂範我馳驅而不苟於得禽也失伍得禽則為犯命矣。社必先之以焚者焚其宿草而後可田以田而所得之禽因以祭社故君親自誓社教陣訖而行田禮

驅禽於陣前以流示之使之艷歆於其艷動之際而
觀其恪守誓命不敢違犯誓命以詭遇獲禽是求以
服士卒之心使進退如命而非貪其所得之禽也故
以此衆戰則克勝以此獸祭則受福夫兵者不祥之
器若無故而習是習殺人也故因田而教焉鳥獸魚
鱉皆函血氣若無故而殺是暴天物也故因祭而田
焉明非好兵也為田獵也非好田獵也為祭祀也外
彰事神之禮而內寓不虞之備聖人以順動如此孔

用

氏方氏

李氏補

天子適四方先柴

所至告天

補

郊之祭也迎長日之至也大報天而主日也兆於南郊就陽位也埽地而祭於其質也器用陶匏以象天地之性也於郊故謂之郊牲用騂尚赤也用犢貴誠也

郊祭在建子之月陽初生而日浸長故曰迎長日之至月令仲夏日長至者至極也言日長至此而極此

云迎長日之至者至來也言日長自此而始大報天
而以日為主者於天神無所不報以迎長日之至故
以日為主日衆陽之宗也兆謂為之區域如龜兆也
匏以氣生陶以土成故謂象天地之性駢色赤赤者
盛陽之色犢者小牛誠未散故曰貴誠

用張氏
方氏補

郊之用辛也周之始郊日以至

用辛者以冬至陽氣新用事人君當齋戒自新然冬
至不常在辛用辛則似不用冬至之日而用冬至之

月橫渠謂自冬至日以樂降神為郊之始而未祀既降神乃用辛日而祀故曰迎長日之至又曰郊之用辛也周之始郊日以至

集

卜郊受命于祖廟作龜於禰宮尊祖親考之義也卜之日王立于澤親聽誓命受教諫之義也獻命庫門之內戒百官也太廟之命戒百姓也

卜日者崔氏謂卜日以至日為主不吉乃用他日方氏謂卜上辛中辛下辛作龜即灼龜澤者澤宮將祭

以射擇士之地庫門在雉門外入庫門則至廟門外
獻命庫門之內者謂王自澤宮而還有司獻王所以
命百官之事。郊事既尊不敢專輒故先告祖謂之
受命尊祖也既告而後卜龜於禰宮以質其可否親
考也卜之日王既先受誓戒于澤宮退而復誓戒其
臣百官蓋授之以官者疏也故于庫門百姓蓋賜之
以姓者親也故于太廟皆使一心以恭承祭祀

孔氏鄭氏

方氏

祭之日王皮弁以聽祭報示民嚴上也喪者不哭不敢

凶服汜埽反道鄉為田燭弗命而民聽上

汜亦作汎
埽素報反

聽祭報聽有司報白行事之期如逆染省鑊書典于
王告備于王皆祭報也汜埽謂郊祭所經之地皆汎
埽也反道謂剗令新土反在上也田燭田首為燭以
照道皆謂郊道之民為之也。王皮弁以待宗伯報
曰祭期然後服祭服而行祭事以天子之尊而嚴於
事上帝如此則民莫不從而傲之故是日有喪者不

敢哭不敢凶服皆汜埽反道鄉為田燭弗命而民聽

上以上有以先之也

用鄭氏
馬氏補

祭之日王被袞以象天戴冕璪十有二旒則天數也乘
素車貴其質也旂十有二旒龍章而設日月以象天也
天垂象聖人則之郊所以明天道也

袞象天畫日月星辰之章璪者聚采以貫玉而有華
藻故謂之璪素車木路也龍章而設日月者大旂也
凡祭天有两旂兩車其乘玉路建大常旂者即道之

車祭之日馭之以適郊者也其乘素車建大旂者即

事之車祭之時馭之以赴壇者也

方氏陳氏

帝牛不吉以為稷牛帝牛必在滌三月稷牛唯具所以

別事天神與人鬼也

滌牢中所搜除處。養牲必養二牲先卜以為帝牛

不吉則以為稷牛帝牛在滌以精潔為義稷牛唯具

則取足而已郊天以后稷配帝為天神稷為人鬼故

其別如此

用陸氏方氏補

萬物本乎天，人本乎祖，此所以配上帝也。郊之祭也，大報本反始也。

此承上文釋以稷配天之義。

補

天子大蜡八，伊耆氏始為蜡。蜡也者，索也。歲十二月合聚萬物而索饗之也。蜡之祭也，主先嗇而祭司嗇也。祭百種以報嗇也。饗農及郵表畷禽獸仁之至義之盡也。古之君子使之必報之，迎貓為其食，田鼠也；迎虎為其食，田豕也；迎而祭之也。祭坊與水庸事也。曰土反其宅。

水歸其壑昆蟲毋作草木歸其澤皮弁素服而祭素服以送終也葛帶榛杖喪殺也蜡之祭仁之至義之盡也

黃衣黃冠而祭息田夫也野夫黃冠黃冠草服也

蜡仕詐反

啜丁劣反為于偽反殺所界反

蜡祭名八蜡先嗇也司嗇也農也郵表啜也貓也虎也坊也水庸也先嗇始治稼穡者司嗇修此嗇事者農田峻也郵若郵亭屋宇處表田畔啜謂井畔相連啜郵表啜謂於井畔連啜處造此郵舍使田峻處焉

者也禽獸即下文貓虎之屬坊所以蓄水水庸溝也
山陰陸氏讀為祭坊及水而以庸事相連以庸為民
功曰庸之庸此說得之若如古說以水庸為句既未
安下文以事也為句亦不成語矣伊耆氏始為蜡祭之
人或指為神農然周官有伊耆氏以供杖咸蓋以其
始為蜡祭以息老也既以其民名官則未必古帝者
之號十二月建丑之月祭百種盡百穀之種祭之以
報先嗇或以祭百種為八蜡之一者非也曰土反其

宅以下蜡祭之祝辭皮弁色白素服衣裳皆素素者
送終之服而蜡亦送終之事故曰以送終也帶不以
麻而以葛杖不以竹而以榛若喪也而實非喪故曰
喪殺言其比喪禮降殺也。蜡之為祭所以報本反
始息老送終也合聚萬物而饗之非特八神而所重
者八以其尤有功於田也皮弁素服而祭者蜡祭四
方百物也黃衣黃冠而祭者臘祭先祖五祀也蜡以
息老物故服送終之服而以皮弁素服臘以息民故

服田夫之服而以黃衣黃冠二祭蓋相連而蜡其總

名

長樂
陳氏

大羅氏天子之掌鳥獸者也諸侯貢屬焉草笠而至尊
野服也羅氏致鹿與女而詔客告也以戒諸侯曰好田
好女者亡其國天子樹瓜華不斂藏之種也

客謂貢鳥獸之使者詔客告者使者臨去詔使歸告
其君也華果蓏也。諸侯於蜡使使者戴草笠貢鳥
獸大羅氏掌其入於使者之歸則致鹿與女於庭使

歸戒其君使毋好田好女周禮於羅氏謂蜡則作羅
襦蓋羅則鹿之所以獲襦則女之所以衣故致此物
以戒之非實致鹿與女與諸侯也瓜華特供斯湏之
求非收歛久藏之種故天子樹此無與民爭利之嫌

言此亦戒諸侯之辭也

孔氏方氏周氏

八蜡以記四方四方年不順成八蜡不通以謹民財也
順成之方其蜡乃通以移民也既蜡而收民息已故既

蜡君子不興功

移以
政反

移者勸民以移動之使歆羨也。蜡以記四方之豐凶年凶之方八蜡之神不得與諸方通祭以謹節民財使之簡儉也年豐之方八蜡之神使得與諸方通祭以歆動民心使之效慕也既蜡則與民休息不復興功歲終故也補

恒豆之菹水草之和氣也其醢陸產之物也加豆陸產也其醢水物也籩豆之薦水土之品也不敢用常褻味而貴多品所以交於神明之義也非食味之道也

菹爭居反

恒豆謂朝事及饋食常用之豆加豆謂祭末醑尸之後不貴美褻味而貴多品以交神明與人食味不同

孔氏

先王之薦可食也而不可者也卷冕路車可陳也而不可好也武壯而不可樂也宗廟之威而不可安也宗廟之器可用也而不可便其利也所以交於神明者不可以同於所安樂之義也

者市志反
卷音衮

卷冕龍衮路車大路武執干戚而舞。此總明祭祀

之物宗廟之居不同於尋常安樂之義

孔氏

酒醴之美玄酒明水之尚貴五味之本也黼黻文繡之美
䟽布之尚反女功之始也莞簟之安而蒲越橐鞞之
尚明之大羹不和貴其實也大圭不琢美其實也丹
漆雕幾之美素車之乘尊其樸也貴其實而已矣所以
交於神明者不可同於所安褻之甚也如是而後宜

活

音越

明水陰鑑以取於月之水玄酒黑黍和於水之酒蒲

越橐鞬藉神之席琢讀如篆雕謂刻鏤幾謂漆飾

此明祭祀器物皆不尚美而尚質

補

鼎俎奇而籩豆偶陰陽之義也黃目鬱氣之上尊也黃者中也目者氣之清明者也言酌於中而清明於外也

奇居宜反

黃目黃彛也以黃金鏤其外為龜目。鼎俎實牲天產也故其數奇者陽之義籩豆實庶物地產也故其數偶者陰之義黃日以實鬱鬯而上臭故祭時列於

諸尊之上目之精水也其光火也以水為體故其氣

清以火為用故其氣明

用孔氏
方氏補

祭天埽地而祭焉於其質而已矣醢醢之美而煎鹽之

尚貴天產也割刀之用而鷹刀之貴貴其義也聲和而

後斷也

斷丁
亂反

鹽以鍊治而成故曰煎鹽鷹者刀之鈴在環曰和在

鋒曰鷹鷹鈴之聲宮商調和而後斷割其肉

孔氏鄭
氏陳氏

冠義始冠之緇布之冠也大古冠布齊則緇之其縷也

孔子曰吾未之聞也冠而敝之可也

冠古亂反齊側皆反綏耳佳反

綏者冠之飾敝棄也。冠禮初加緇布冠者太古以白布為冠至齊則緇之以鬼神尚幽闇之義始冠而初加此者特重古耳後世乃於緇布冠加以綏之飾故孔子以為未聞而謂此乃初加時暫用既冠則敝

棄之可也

鄭氏孔氏周氏

適子冠於阼以著代也醮於客位加有成也三加彌尊

喻其志也冠而字之敬其名也

適丁歷反

適子者適長子著明也醮用酒每一加一醮。適子冠於阼以主道期之也父以是傳之子故曰以著代也醮於客位以賓禮崇之也以其有成人之道故以是禮加之故曰加有成也三加者初加緇布冠欲其尚質重古次加皮弁欲其行三王之德復加爵弁欲其敬事神明緇布之粗不若皮弁之精皮弁之質不若爵弁之文故曰三加彌尊服彌尊則志彌大故曰喻其志既冠賓東面而字之以成人不敢復呼其名

也孔氏方氏

委貌周道也章甫殷道也母追夏后氏之道也周弁殷

哱夏收三王共皮弁素積

母音牟追多雷反哱况甫反

委安也委貌言以安正容貌章明也章甫言以表明
丈夫母發聲追猶椎以其形名之也弁名出於槃槃
大也言所以自光大哱名出於懽懽覆也言所以自
覆飾收則言所以收斂髮也皮弁以白鹿皮為之素
積以素為裳裳必疊幅故謂之積。委貌章甫母追

三代常服之冠即初加之緇布冠也弁哱收三代齊
祭之冠即三加之爵弁也皮弁素積上古之服三代
共之而不敢易即再加之皮弁也

合鄭氏
方氏說

無大夫冠禮而有其昏禮古者五十而後爵何大夫冠
禮之有諸侯之有冠禮夏之末造也

禮二十而冠五十始為大夫未有既為大夫而始冠
者故無冠禮禮三十而娶容有不得已而改娶者故
有其昏禮天子之元子諸侯之世子古皆用士冠禮

後有年未及冠而君薨即嗣位者故夏之末造始有

諸侯冠禮

用方氏補

天子之元子士也天下無生而貴者也繼世以立諸侯

象賢也以官爵人德之殺也

殺音試今讀為隆殺之殺

此所以釋上文諸侯有冠禮而大夫無之也諸侯必繼世而立所以象賢也大夫不繼世為其德之殺也

方氏

死而諡今也古者生無爵死無諡

此言士禮檀弓云士之有誅自魯莊公始

孔氏陸氏

禮之所尊尊其義也失其義陳其數祝史之事也故其數可陳也其義難知也知其義而敬守之天子之所以治天下也

尊猶重也禮之所重者在義而不在度數之末能敬守其義可以治天下

補

天地合而後萬物興焉夫昏禮萬世之始也取於異姓所以附遠厚別也幣必誠辭無不腆告之以直信信事

人也信婦德也壹與之齋終身不改故夫死不嫁

達于萬反

別兵
列反

幣以將意故無不誠辭以導情故無不腆直信者正

直誠信婦人事人者也事人必以信故信為婦德馬氏

男子親迎男先於女剛柔之義也天先乎地君先乎臣

其義一也執摯以相見敬章別也男女有別然後父子

親父子親然後義生義生然後禮作禮作然後萬物安

無別無義禽獸之道也

迎魚敬反
摯音至

摯奠雁也壻親迎入門先奠雁然後與婦相見所以

敬章其有別之道而禮義生焉

孔氏方氏

壻親御授綏親之也親之也者親之也敬而親之先王之所以得天下也出乎大門而先男帥女女從男夫婦之義由此始也婦人從人者也幼從父兄嫁從夫夫死從子夫也者夫也夫也者以知帥人者也

知音智

親御授綏謂壻御婦車而授綏使婦登車親之也者

親之也言已親之所以使之親已

孔氏鄭氏

玄冕齋戒鬼神陰陽也將以為社稷主為先祖後而可
以不致敬乎共牢而食同尊卑也故婦人無爵從夫之
爵坐以夫之齒

玄冕祭服齋戒將事鬼神昏禮而用玄冕齋戒是敬
此夫婦之道同於鬼神陰陽而神明之也牢謂牲牢

牲牢異等而夫婦共牢而食示同尊卑也

周氏陸氏方氏

器用陶匏尚禮然也三王作牢用陶匏厥明婦盥饋舅
姑卒食婦餞餘私之也舅姑降自西階婦降自阼階授

之室也

陶匏太古之禮器三王始作共牢之禮而用上古之
器重夫婦之始也婦饋舅姑舅姑食畢而以其餽餘
賜婦私之以息也舅姑尊反降自西階以婦之卑反
降自主人之阼階示授之室而使為之主也

鄭氏孔氏方氏

昏禮不用樂幽陰之義也樂陽氣也昏禮不賀人之序也

昏有幽陰之義其用晦時以此樂陽也故不用樂代

猶序也子代父之序婦代姑之序故不忍賀

陳氏方氏

有虞氏之祭也尚用氣血腥爛祭用氣也殷人尚聲臭味未成滌蕩其聲樂三闋然後出迎牲聲音之號所以詔告於天地之間也

尚謂先薦之也血謂祭初以血詔神於室腥謂朝踐薦腥肉於堂爛謂沈肉於湯三者並未熟而祭是用氣也此有虞氏之祭然也殷不尚氣而尚聲先搖動樂聲以求神奏樂三遍而止乃迎牲入殺鬼神在天

地間故用樂之音聲號呼告於天地間庶神明聞之

而至是求陽之義也

鄭氏
孔氏

周人尚臭灌用鬯臭鬱合鬯臭陰達於淵泉灌以圭璋

用玉氣也既灌然後迎牲致陰氣也蕭合黍稷臭陽達

於牆屋故既奠然後炳蕭合羶薌

炳如悅反合如字又音閤羶音馨薌音香

灌謂以圭瓚酌鬯始獻神鬯謂以秬黍合鬱金草為

酒而其氣調鬯臭謂鬯之氣鬱合鬯者又以鬱金草

搗汁和合已成之鬯酒使香氣滋甚臭陰達於淵泉

者用鬱鬯灌地是用臭氣求陰達於淵泉也灌以圭
璋者瓚以軒鬯圭璋以為瓚之柄君灌圭瓚后灌以
璋瓚璋者圭之半用圭璋者玉氣潔潤也炳燒也羶
鄭讀為馨羶猶香也染蕭以臍骨為羶合蕭以黍稷
為羶。鬱合鬯臭陰達於淵泉以形魄歸於地而求
諸陰也蕭合黍稷臭陽達於牆屋以魂氣歸於天而
求諸陽也淵泉以言其幽牆屋以言其顯求諸陰以
為未又求諸陽而致曲焉

陳氏
方氏

凡祭慎諸此魂氣歸於天形魄歸於地故祭求諸陰陽之義也殷人先求諸陽周人先求諸陰

此承上文釋求諸陰陽之義先求陽者尚聲先求陰

者尚臭

方氏

詔祝於室坐尸於堂用牲於庭升首於室直祭祀于主索祭祀於祊不知神之所在於彼乎於此乎或諸遠人

乎祭於祊尚曰求諸遠者與

連于萬反與音餘

升首謂升牲首於北牖下直祭正祭也。詔祝於室

即毛血詔於室坐尸於堂即羹定詔於堂用牲於庭
即納牲詔於庭升首於室即升首以報陽不知神之
所在故於庭於堂於室以求之猶以為未也故直祭
祝於主索祭祝於禘求於此則疑於彼求於近則疑
於遠而庶幾神之饗也

方氏呂氏陳氏

禘之為言倮也斫之為言敬也富也者福也首也者直
也相饗之也嘏長也大也尸陳也

倮音亮斫音祈相息亮反

倮猶索也斫者斫俎尸每食牲體反置於斫俎

首謂升首而祭首植而直支偶而曲故首云直也相

謂詔侑祝設辭使尸饗此真是相饗之也尸嘏主人

欲使長久廣大尸象神而陳者也

鄭氏
孔氏

毛血告幽全之物也告幽全之物者貴純之道也血祭
盛氣也祭肺肝心貴氣主也

血告幽毛告全告幽所以告內之純告全所以告外
之純氣行而血從之薦血所以盛其氣周祭肺殷祭

肝夏祭心三者並為氣之宅故云貴氣主

鄭氏
孔氏
方氏

祭黍稷加肺祭齊加明水報陰也取脾腎燔燎升首報

陽也

齊才
細反

黍稷地產肺金藏齊五齊事神之酒明水以鑑取於
月者皆陰類故報陰脾腎腸間脂燔燎之火司烜所
取於日者首者陽之體升者陽之事皆陽類故報陽
報陰者形魄歸地為陰而以陰物祭之也報陽者稷
氣在天為陽而以陽物祭之也

鄭氏孔
氏方氏

明水沬齊貴新也凡沬新之也其謂之明水也由主人

之絜著此水也

說始
銳反

洗猶清也五齊濁故泔之使清謂之泔齊蓋以水解
之和之又取明水皆貴新也明水由主人之絜著

於此水非徒以其取於月為明也

用鄭氏
周氏補

君再拜稽首肉袒親割敬之至也敬之至也服也拜服
也稽首服之甚也肉袒服之盡也

服屈服也拜取屈服之義也以天子不可屈之勢而
為之稽首肉袒則天下莫不知有尊也

周氏

祭稱孝孫孝子以其義稱也稱曾孫某謂國家也祭祀之相主人自致其敬盡其嘉而無與讓也

稱孝祭祖禰稱孝明奉先不敢忘也稱曾祭神祇稱曾明傳國有所自也凡賓主之禮相者告以揖讓之

節若祭祀之禮則主人自致其敬而盡其善故詔侑

尸者不告尸以讓以事神無所與揖讓也用陸氏說及庾氏補

腥肆爛臠祭豈知神之所饗也主人自盡其敬而已矣

臠而
審反

凡牲生為腥陳為肆爓而未臠為爛熟而為彘為臠
四者之薦豈知神之所饗自盡其敬心求之不一耳
舉筓角詔安尸古者尸無事則立有事而後坐也尸神
象也祝將命也

筓角皆爵名天子奠筓諸侯奠角古指夏時夏立尸

飲食乃坐

鄭氏
孔氏

縮酌用茅明酌也醖酒況于清汁獻況于醖酒猶明清

與醖酒于舊澤之酒也

澤作解音亦
醖創產反

縮謂涕去其滓酌謂斟酒以獻用茅所以縮也縮之則清而明故曰明酌醖酒為盎齊在所造之器曰盎在所酌之器曰醖況于清者和之以清酒也汁獻謂煮鬱金汁和酒名鬱齊直獻之而不待縮故曰汁獻也況于醖酒者和醖酒於汁獻凡況皆以酒之清者和酒之濁者使酒之新也澤讀為醖舊醖之酒謂昔酒也記禮者釋上文所陳云皆古禮亦猶後世以舊澤之酒況清酒醖酒而明之盖以近今證昔也明清

與醜三者皆指上文三者申言之也

用鄭氏孔氏方氏補

祭有祈焉有報焉有由辟焉

辟古讀如弭方氏作辟去之辟以當如辟邪辟惡之

辟

由用也。祈若祈穀之類報若秋報之類辟若磔禳

及辟去不祥之類

集

齊之玄也以陰幽思也故君子三日齊必見其所祭者
玄謂玄衣玄冠見所祭謂若見所祭之祖考神祇

內則第十二

后王命冢宰降德于衆兆民

后王謂天子德謂德教教民雖司徒分職冢宰實無

所不統故以其重者言之

王氏晦卷

子事父母雞初鳴咸盥漱櫛縱笄總拂髦冠紒纓端鞞
紳緝芴左右佩用左佩紛悅刀礪小觶金燧右佩玦捍

管遶大觶木燧偪屨著綦

縱所買反又所綺反觶許規反遶時世反綦其記反

盥洗手漱漱口櫛以梳理髮縱以緇韜髮以作髻笄
橫貫以固髻總者裂練緇束髮本垂其餘於髻後為

飾拂者振去其塵髦以髮為之象幼時所為之髻

多果

反拂髦者拂其髦以加於冠冠綉纓者結纓領下以

固冠結之餘者散而下垂謂之綉端玄端士服鞞蔽

膝也以韋為之與裳同色上繫於革帶紳者大帶摺

扱也亦作挿笏所以記事而備忽忘也摺笏者扱笏

於紳也紛悅試物之巾刀礪小刀與礪礮小觶所以

解結以象骨為之如錐金燧以取火於日玦者護巨

指以開弦捍者著左臂以遂矢管筆彊

苦侯反

帶刀鞞

必頂反

木燧以鑽火偪以邪幅纏足今之行滕綦屨繫

也屨著綦者屨頭施綦。夙興盥訖漱漱訖櫛櫛訖加緹緹訖加總總訖然後加髦著冠而綏纓從之然後服玄端著鞞垂紳而搢笏然後佩用以備尊者使令凡屬陽者左佩屬陰者右佩佩然後下及行滕屨

綦其序如此

用方氏補

婦事舅姑如事父母雞初鳴咸盥漱櫛緹并總衣紳左佩紛悅刀礪小觶金燧右佩箴管線纊施繫裘大觶木

燧衿纓綦屨

繫音繫表音
快衿其鳩反

笄簪也與男子笄異衣紳衣而著紳箴管線纊鄭氏
謂於箴管線纊之下言施繫裘明繫裘四物而施方
氏謂針貯以管線貯以纊二說未知孰是竊意箴用
以縫刺者管用以套物者線即絲纊即綿鄭氏指為
四物者近之繫裘以針刺裘而為繫囊衿纓以衿結
纓綦屨以綦約屨衿結也婦人有纓示繫屬也

集

以適父母舅姑之所及所下氣怡聲問衣煥寒疾痛苛

癢而敬抑搔之出入則或先或後而敬扶持之進盥少者奉槃長者奉水請沃盥盥卒授巾問所欲而敬進之柔色以溫之饘醢酒醴芡羹藜麥蕡稻黍梁秫唯所欲棗栗飴蜜以甘之薑苴粉榆兔薨滫瀡以滑之脂膏以膏之父母舅姑必嘗之而後退

醢羊支反蕡扶云反苴音九免音問滫思酒反

滫音髓膏之膏去聲

苛疥也體煩而為苛氣虛而生癢抑按摩搔爬抓饘厚粥醢薄粥酒以麩為者其味嚴醴以蘖為者其味

甘芩謂入羹之菜羹謂肉羹蕒熬泉實泉實者大麻子也莖菜也莖似莖而葉大冬用莖夏用莖粉白榆也免新生者蕒乾者溲為滌滑為瀝凝者為脂釋者為膏。及所下氣怡聲先之以和也問衣煥寒恐其冷煖失節也疾痛苛癢省其體氣弗寧也皆所以撫卹其衰病而一出於敬非故以是為儀也父母出入則或先以引之或後以隨之或左右以扶持之相其所宜而助其力也又從而問其意之所欲食者則敬

順其心以進之和柔其色以溫之芬芳其味以奉之
父母舅姑必嘗之而後退則以知其得所欲而後孝

子之心安也

馬氏
方氏

男女未冠笄者雞初鳴咸盥漱櫛縱拂髮總角衿纓皆
佩容臭昧爽而朝問何食飲矣若已食則退若未食則
佐長者視具

總角總髮分而為二以其兩相對故謂之角容臭者
容謂容受臭謂香物若今香囊恐身有穢物觸尊者

故佩之昧爽將明未明之時具膳具 昧爽而朝後

成人也幼者於視膳之事未能專之惟候問之若未

則佐長者

鄭氏方氏

凡內外雞初鳴咸盥漱衣服斂枕簟灑埽室堂及庭布
席各從其事孺子蚤寢晏起唯所欲食無時

此總論子婦之外凡卑賤僕隸等

由命士以上父子皆異宮昧爽而朝慈以旨甘日出而
退各從其事日入而夕慈以旨甘

異宮猶今有逐位非如異居也朝晨省禮也夕昏定

禮也慈者愛養惻怛之誠

用伊川方氏補

父母舅姑將坐奉席請何鄉將社長者奉席請何趾少

者執床與坐御者舉几斂席與簞縣衾篋枕斂簞而襦

之奉芳勇反鄉許亮反社而鳩反縣音玄襦音獨

社卧席也將社古謂更卧處竊意將坐指日間言將

社指夜間言請者順尊者意所安也至早旦親起侍

御之人舉几以進使憑之斂此所卧在下之席與在

上襯身之簟又其所卧之衾枕則以篋貯之簟則以

獨韜之須卧乃更鋪之

鄭氏
孔氏

父母舅姑之衣衾簟席枕几不傳杖屨祇敬之勿敢近

敦牟卮匱非餽莫敢用與恒食飲非餽莫之敢飲食

傳文

專反近音附近之近敦音
對牟木侯反匱羊支反

傳移也敦今杯孟牟土釜今以木為器象土釜之形

卮酒器匱盛酒漿之器餽謂食尊者之餘也與及也

恒常也旦夕之常食也。父母舅姑所服御子婦不

得輒傳移他處杖屨是服御之重彌須恭敬勿敢偏
近飲食器非餽其餘不敢用與其常所飲食非餽其

餘不敢食

本鄭氏
孔氏說

父母在朝夕恒食子婦佐餽既食恒餽父没母存冢子
御食羣子婦佐餽如初旨甘柔滑孺子餽

子婦者長子及長子之婦佐餽者父母食不能盡子
婦佐助餽食之使盡勿使有餘而再進也恒餽每食
常餽而盡之也父没母存食則獨矣恐母心之傷故

冢子侍食而羣子婦佐餒不言冢婦者舅沒則姑老

冢婦已代政也甘美者則孺子餒之

鄭氏孔氏
輔氏陸氏

在父母舅姑之所有命之應唯敬對進退周旋慎齊升
降出入揖遊不敢噦噫嚏咳欠伸跛倚睇視不敢唾洩
寒不敢襲癢不敢搔不有敬事不敢袒裼不涉不掘褻
衣衾不見裏父母垂洟不見冠帶垢和灰請漱衣裳垢
和灰請澣衣裳綻裂紉箴請補綴五日則燂湯請浴三
日具沐其間面垢燂潘請醕足垢燂湯請洗少事長賤

事貴共帥時

唯于癸反齊側皆反噦於月反噫於戒反
愛音帝咳若愛反欠立劍反伸音申跛彼

義反倚於義反聯大計反淡吐細反楊思歷反振居衛
反見賢適反紉女陳反綴子劣反又丁衛反輝許廉反

潘芳煩反
蹟音悔

齊莊也揖抑也遊揚也方氏謂揖讓而遊息也胃受

疾則噦心受疾則噫肺受疾則咳鼻出聲為噓志疲

則欠體疲則伸偏立為跛依物為倚傾視為睇唾口

津涕鼻液擤揭衣也褻衣衾不見裏為其可穢父母

唾涕不見即刷去之也手洗曰漱足洗曰澣和漬也

燂温也潘米瀾也

瀾力早反

醜洗面也帥循也時是也。

噦噦噦咳則聲不恭欠伸跛倚睇視則貌不恭唾嚏則聲貌皆不恭故每不敢為也不有敬事如射之類則不敢袒裼不因涉水則不敢揭衣皆惡其褻也且子之於親也衣而寒煖則問之體之苛癢則搔之而於已則寒不敢襲癢不敢搔以至父母之唾涕不見而已則唾涕不敢請漱澣請補綴請醜請浴之類無所不用其孝謹之至

用方氏補

男不言內女不言外非祭非喪不相授器其相授則女授以篚其無篚則皆坐奠之而后取之外內不共井不共沐浴不通寢席不通乞假男女不通衣裳內言不出外言不入男子入內不嘯不指夜行以燭無燭則止女子出門必擁蔽其面夜行以燭無燭則止道路男子由

右女子由左

福彼力反嘯古作叱今如字為嘯歌之嘯

沐浴室男子由右地道尊右也此言男女遠嫌防微

之禮

劉氏

子婦孝者敬者父母舅姑之命勿逆勿怠若飲食之雖不者音者必嘗而待加之衣服雖不欲必服而待加之事人代之已雖弗欲姑與之而姑使之而后復之

尊者加已以飲食衣服已雖不欲必且順而受之以待其命若加已以事又使人代之已雖不欲人之代已亦且順而使之代待夫人之果不勝任然後復以

身親之凡皆明勿逆勿怠之意

方氏
輔氏

子婦有勤勞之事雖甚愛之姑縱之而寧數休之子婦

未孝未敬勿庸疾怒姑教之若不可教而後怒之不可

怒子放婦出而不表禮焉

數色
角反

表明也。○子婦有勤勞之事已雖甚愛念之姑且縱其為之而寧數休之以彼共為子婦之職吾不可以姑息之愛而奪其當為之事也子婦未孝未敬亦勿庸怒之姑惟教之待其子不可教雖子放婦出猶為之隱不明其犯禮之過也

用方
氏補

父母有過下氣怡色柔聲以諫諫若不入起敬起孝說

則復諫不說與其得罪於鄉黨州閭寧孰諫父母怒不說而撻之流血不敢疾怨起敬起孝

說音悅

二十五家為閭四閭為族五族為黨五黨為州五州為鄉。諫而父母不說其罪輕不諫而使父母得罪於鄉黨州閭其罪重故寧反覆熟諫雖撻之流血不

怨

本孔氏說

父母有婢子若庶子庶孫甚愛之雖父母沒沒身敬之不衰子有二妾父母愛一人焉子愛一人焉由衣服飲

食由執事毋敢視父母所愛雖父母没不衰子甚宜其
妻父母不說出子不宜其妻父母曰是善事我子行夫
婦之禮焉没身不衰

說音
悅

婢子古說謂婢之子然則與下文庶子意重矣合如
曲禮之婢子直言婢耳。婢子父母之所使令庶孽
父母之所愛育是固所當聽命至於妻妾之切近吾
身者亦不敢不聽焉妾雖吾所甚愛不敢與父母之
所愛者敵妻雖吾所甚宜不敢以父母不悅而畱苟

父母以為善子之情雖替而夫婦之禮不可以不行
吾親有存沒吾心無遷改知有親而不知有已也

金華

應氏慶
源輔氏

父母雖沒將為善思貽父母令名必果將為不善思貽
父母羞辱必不果

決於為善決於絕其不善皆主於孝其親而發

補

舅沒則姑老家婦所祭祀賓客每事必請於姑介婦請
於家婦舅姑使家婦毋怠不友無禮於介婦舅姑若使

介婦毋敢敵耦於冢婦不敢並行不敢並命不敢並坐
冢婦適長子之婦也介婦衆婦也不友無禮於介婦
古說謂衆婦無禮冢婦不友之晦庵云未詳或謂友
當作敢理或然也然不免改本文江陵項氏以使冢
婦無怠不友無禮於介婦通為一句怠也不友也無
禮也皆以毋字統之若曰使冢婦毋恃其長而怠忽
以不友無禮於介婦於義亦通。此言姑雖傳家政
於冢婦冢婦當友愛介婦介婦當敬事冢婦以相和

協蓋冢婦之統介婦又與姑之統子婦不同尤當曲

盡也

補

凡婦不命適私室不敢退婦將有事大小必請於舅姑
子婦無私貨無私畜無私器不敢私假不敢私與婦或
賜之飲食衣服布帛佩悅茝蘭則受而獻諸舅姑舅姑
受之則喜如新受賜若反賜之則辭不得命如更受賜
藏以待之婦若有私親兄弟將與之則必復請其故賜

而後與之

畜許六反
茂昌改反

婦侍舅姑者也故不命適私室不敢退不敢專行故
大小必請於舅姑家事統於尊故無私貨私畜私器
私假私與不敢私受人故或賜之則獻諸舅姑不敢
私與人故請其故賜而後與其心終始一於舅姑也

鄭氏
孔氏

適子庶子祇事宗子宗婦雖貴富不敢以貴富入宗子
之家雖衆車徒舍於外以寡約入子弟猶歸器衣服裘
衾車馬則必獻其上而後敢服用其次也若非所獻則

不敢以入於宗子之門不敢以貴富加於父兄宗族若
富則具二牲獻其賢者於宗子夫婦皆齊而宗敬焉終

事而后敢私祭

齊例
皆反

猶若也歸古云歸遺之歸也謂子弟若貴彼尊上歸
遺器服則獻其上者於宗子山陰陸氏以子弟猶歸
絕句云不敢以貴富入宗子之家以寡約入雖子弟
猶歸其家也其器服雖吾貴富所有亦必獻其上者
於宗子陸說尤徑在學者擇焉獻其賢者謂獻其牲

之善者 不敢以貴富人宗子之家不以支臨宗也
終事而後敢私祭宗之親為正統已之親為旁出也

凡以尊正統而一人心

方氏

飯黍稷稻粱白黍黃粱稭稊膳膳腳膳腕醢牛炙醢牛載
醢牛膾羊炙羊載醢豕炙醢豕載芥醬魚膾雉兔鷄鷄

稱思呂反稊則角反脚音香膳許云反腕許克反
炙章夜反載側吏反膾古外反鷄順倫反鷄音晏

飯者總目諸飯而列之下文也熟獲曰稭今晚稻也
生獲曰稊今早稻也膳者總目諸膳而又列之下文

也腳牛臄臄羊臄臄豕臄也醢鄭云行文牛炙炙牛
肉也腳一臄二臄三牛炙四此四物共一行最在北
從西為始醢肉醬也牛臄切牛肉也醢五牛臄六醢
七牛臄八此四物為第二行陳之從東為始羊炙九
羊臄十醢十一豕炙十二此四物為第三行陳之從
西為始醢十三豕臄十四芥醬十五魚臄十六此四
物為四行陳之從東為始以上十六豆是下大夫禮
雉十七兔十八鷄十九鶩二十此四物為五行陳之

從西為始通上為二十豆此是上大夫所加禮孔氏

飲重醴稻醴清糟黍醴清糟梁醴清糟或以酏為醴黍

酏漿水醴濫酒清白羞糗餌粉酏重平聲醴於紀反又於力反糗起九反餌

音二酏以酏黍酏當音餐粥之餐之然反粉酏之酏音餐自私反

飲者總目諸飲而列之下文也重醴者謂稻黍梁三

醴皆有清有糟醴之泝子禮反者為清未泝而雜者為

糟以清糟二者相配而重設故謂之重醴也酏粥也

以酏為醴者釀粥為醴也黍酏謂以黍米為釀粥此

即上文為醴之醅也漿酢七故反 馘才載反 以汁滓相將

者也水則清新之水也醴梅漿醢類溫涼也以諸乾桃

乾梅皆曰諸 和水以上皆飲之目也酒者總目諸酒而又

列之下文也清謂清酒若金煮酒白謂事酒省事而即為者

昔酒二酒皆白若今生酒以上皆酒之目也羞者總

目諸羞而再列之下文也合蒸曰餌餅之曰饗自私反

此二物皆粉稻米黍米為之糗者擣粉熬大豆為餌

饗之黏者故以粉餌擣之醅之然反 當為餈之然反 以稻

米與狼觸

昌六反

膏為之亦粥之類以上皆羞之目也

補集

食蝸醢而芥食雉羹麥食脯羹雞羹折稌犬羹兔羹和

糝不蓼濡豚包苦實蓼濡雞醢醬實蓼濡魚卵醬實蓼

濡鼈醢醬實蓼服脩蚘醢脯羹兔醢麋膚魚醢魚膾芥

醬麋腥醢醬桃諸梅諸卵鹽

食音嗣蝸力戈反芥音菰本作菰折之列反稌音杜

濡音而卵醬之卵音鯢服丁亂反蚘直其反

食者總舉其目也蝸蝸牛也芥雕胡字亦作菰即周

官六穀之一也以蝸為醢以苽米為飯以雉為羹三者之味相宜也下皆倣此以麥為飯析脯為羹稌稻也細折之列稻米為飯以犬與兔為羹此等羹宜五味之和米屑之糝不必加蓼蓼味辛用否各以其宜濡豚包苦者濡謂烹煮豚肉以苦菜包裹濡雞醢醬者加以醢及醬濡魚卵醬者加以魚子為醬濡醢醢醬亦謂加以醢及醬四者皆破開其腹實蓼其中則皆宜於用蓼者也服脩謂捶脯而施薑桂者也食之

配以蚘醢蚘蟻子也析脯為羹則配以免醢食麋之外膚配以魚醢食麋之生肉配以醢醬諸菹也桃菹梅菹即今之藏桃藏梅勿鹽大塊鹽自蝸醢而下二

十六物皆人君燕食所用

孔氏方氏

凡食齊視春時羹齊視夏時醬齊視秋時飲齊視冬時凡和春多酸夏多苦秋多辛冬多鹹調以滑甘牛宜徐羊宜黍豕宜稷犬宜梁鴈宜麥魚宜菘

飯齊黍稷稻粱視春宜溫也羹齊雉兔雞犬視夏宜

熱也醬齊醢醢醢醢視秋宜涼也飲齊水漿涼醢視
冬宜寒也春屬木故味多酸夏屬火故味多苦秋屬
金故味多辛冬屬水故味多鹹各因其時味以養氣
調以滑甘則四時之所同以土王四時土味作甘也

牛宜稌以下各以其氣味相宜

用鄭氏方氏補

春宜羔豚膳膏薺夏宜牀鱮膳膏臊秋宜犢麋膳膏腥

冬宜鮮羽膳膏羶

薺音香膳其居反鱮所求反臊
素刀反麋音迷腥音星羶音堤

薺牛膏牀鳥腊鱮魚乾臊犬膏麋鹿子腥雞膏羶羊

膏春陽方長羔豚羊豕之小者將盛而壯食之於助
新陽為宜膳以牛膏羶則以春木克脾土以牛羶之
土氣助養脾也夏陽極盛脍鱗雉魚之乾者皆斂而
堅食之於抑盛陽為宜膳以犬膏臊則以夏火克肺
金以大臊之金氣助養肺也秋陰方長牛犢鹿麋皆
可補陽氣食之為宜秋金克肝木膳用雞腥之木氣
以助養肝冬陰極盛魚鮮鴈羽皆善處陰食之為宜
冬水克心火膳用羊羶之火氣以助養心

用劉氏
方氏補

牛脩鹿脯田豕脯麋脯麇脯麕脯麋鹿田豕麇皆有軒雉兔
皆有芼爵鷄蜩范芝栲菱榎棗栗榛柿瓜桃李梅杏榘

梨薑桂

軒音憲栲音而榘音矩榎側加反

脯謂析乾其肉軒謂切其肉如藿葉芼謂以菜雜羹
蜩蟬也范蜂也芝木芝也無華而實者名栲亦芝屬
也菱芰也榎枳榎也榎梨之不臧者。自牛脩而下
三十一品皆人君燕食所加庶羞羞百二十品記者

不能次錄

鄭氏

大夫燕食有膾無脯有脯無膾士不貳羹斝庶人者老
不徒食

尊卑差也

鄭氏

膾春用葱秋用芥豚春用韭秋用蓼脂用葱膏用薤三
牲用藪和用醢獸用梅鶉羹雞羹鴛釀之蓼魴鱖蒸雛

燒雉鄉無蓼

藪魚氣反和戶
卧反鴛音如

藪似茱萸醢人為之酸梅自然之酸釀雜切而和之
鶉羹雞羹鴛在羹下蒸之而不羹三者皆釀之以蓼

鴛按上文鷄注云又以鷄為鴛蓋兩物也魴鱖魚弱
烹之易爛故烝之雞小鳥燒之雉或烝或燒無定凡

三者調和皆以香草蘇荏之屬而不用蓼

鄭氏劉氏方氏

不食雞鬣狼去腸狗去腎狸去正脊兔去尻狐去首豚

去腦魚去乙鼈去醜

去起呂反
尻苦刀反

雞鬣鬣之小者狼能害人腸則傳道其所害之物狗
陽畜腎又其陽精之舍狸善搏兔善走狸脊上一道
如界兔尻有九孔豕俯聚精在腦醫方云食之昏人

精神鰭魚有骨狀如篆乙在目旁食之鯁人不可出

陸氏云魚腸謂之乙魚敗自腸始醜者鼈之竅凡皆

不食為不利人也

方氏陸氏

肉曰脫之魚曰作之棗曰新之栗曰撰之桃曰膽之祖

梨曰攢之

脫之除其筋膜作之刷其鱗新之拭其垢撰之省視

其蟲蠹膽之去其毛使青瑩如膽攢之環看其蟲孔

皆治擇之名也

皇氏

牛夜鳴則膚羊冷毛而毳羶狗赤股而躁臊鳥鰾色而沙鳴鬱豕望視而交睫腥馬黑脊而般臂漏雉尾不盈握弗食舒鴈翠鵠鴉胖舒鳧翠雞肝鴈腎鴉與鹿胃

音

由冷音零毳昌銳反鰾音保反般音班胖音判與於六反

牛晝勞夜息若夜鳴則有疾膚惡臭冷謂毛本稀冷
毳謂毛頭毳結羶謂羶臭赤股股裏無毛躁謂急躁
臊謂其肉臊惡鰾色其色變無潤澤鬱腐臭豕俯首
而食望視則首昂交睫謂瘦而目毛長腥謂氣腥而

不可食黑脊言衆體皆異而脊獨黑般臂言疾在前
脰般般然漏言氣如螻蛄臭雞小鳥尾不盈握言尾
尚短舒鴈鶩翠尾肉鵠鳥鴉鳥胖脅側薄肉舒鳧鴨
與脾胝謂藏之深真處。凡皆不利於人不可食

鄭氏

肉脰細者為膾大者為軒或曰麋鹿魚為道膾為辟雞
野豕為軒兔為宛脾切葱若薤實諸醢以柔之

辟必益
反宛于

反晚

膾聶而切之軒大切而不聶辟雞與宛脾皆聶而切

軒辟雞宛脾謂切麋鹿麇肉和葱薤於醢為菹

鄭氏

羹食自諸侯以下至於庶人無等大夫無秩膳大夫七十而有閣天子之閣左達五右達五公侯伯於房中五大夫於閣三士於坫一

秩常也閣以板度食物坫土坫度食。羹食日用惟稱有無不預為之等五十為大夫未甚老未有常膳至七十而有閣以度食有常膳矣閣食以貴賤為豐殺五者三牲及魚腊天子倍之餘以次殺

用鄭氏補

凡養老有虞氏以燕禮夏后氏以饗禮殷人以食禮周人脩而兼用之凡五十養於鄉六十養於國七十養於學達於諸侯八十拜君命一坐再至替亦如之九十者使人受五十異糧六十宿肉七十貳膳八十常珍九十飲食不違寢膳飲從於遊可也六十歲制七十時制八十月制九十日脩唯絞紵衾冒死而後制五十始衰六十非肉不飽七十非帛不煖八十非人不煖九十雖得人煖矣五十杖於家六十杖於鄉七十杖於國八十

杖於朝九十者天子欲有問焉則就其室以珍從七十
不俟朝八十月告存九十日有秩五十不從力政六十
不與服戎七十不與賓客之事八十齊喪之事弗及也
五十而爵六十不親學七十致政凡自七十以上唯衰
麻為喪凡三王養老皆引年八十者一子不從政九十
者其家不從政瞽亦如之凡父母在子雖老不坐有虞
氏養國老於上庠養庶老於下庠夏后氏養國老於東
序養庶老於西序殷人養國老於右學養庶老於左學

周人養國老於東膠養庶老於虞庠虞庠在國之西郊
有虞氏皇而祭深衣而養老夏后氏收而祭燕衣而養
老殷人皞而祭縞衣而養老周人冕而祭玄衣而養老

皞况
甫反

記王制有此此與王制文略異凡自七十以上與凡

父母在子雖老不坐是也

賈蒙

曾子曰孝子之養老也樂其心不違其志樂其耳目安
其寢處以其飲食忠養之孝子之身終終身也者非終

父母之身終其身也是故父母之所愛亦愛之父母之所敬亦敬之至於犬馬盡然而況於人乎

養老如此為其近於親也言忠養嫌或偽也上言其

近親者下言親之所敬愛者言犬馬以賤喻貴

陸氏鄭氏

凡養老五帝憲三王有乞言五帝憲養氣體而不乞言

有善則記之為惇史三王亦憲既養老而后乞言亦微

其禮皆有惇史

有古音又今讀如字

憲法也惇厚也。五帝憲謂朝夕與老者親炙其仁

義之容道德之光自得於觀感不言之際至三王始
有乞言之禮然五帝雖止從容養其氣體未嘗乞言
偶有善言亦記之於惇史三王雖乞言亦憲法其動
容之間至於乞言亦不敢以迫切耗其氣須從容款
曲伺閒乘暇開端發問而微其禮焉所得之言亦皆
有惇史以記之焉古者之史不一閭內者曰女史朝
廷者曰國史若惇史則記載養老之史取惇厚之義

為名

東萊

淳熬煎醢加于陸稻上沃之以膏曰淳熬淳母煎醢加

于黍食上沃之以膏曰淳母

母音模

淳即沃熬即煎醢陸稻謂陸地之稻以陸地稻米為飯煎醢使熬加於飯上恐其味薄更沃以膏使味相湛漬名曰淳熬其八珍之一也加於黍食者蓋模象

淳熬而為之故名淳母母讀為模

孔氏

炮取豚若將剗之剗之實棗於其腹中編萑以苴之塗之以謹塗炮之塗皆乾擘之濯手以摩之去其皽為稻

粉糝溲之以為醅以付豚煎諸膏膏必滅之鉅鑊湯以

小鼎薺脯於其中使其湯毋滅鼎三日三夜毋絕火而

后調之以醯醢

將作料山陰陸氏讀如字今從之荏音丸謹作蝻徐讀如字敲章善反極息酒

反溲所九反

炮塗燒之名荏蘆苴裹謹塗以穰草和泥敲皮肉上

魄莫糝溲謂勻和薺脯謂煮豚小鼎中使香美謂之

脯者解折其肉薄如為脯然。為炮者取豚若將剖

剝之則實棗腹中編蘆包裹塗以和草之泥而以火

炮之既炮則所塗之泥皆乾而擘之手既擘泥不淨其肉又熱故濯手摩之去其皴莫以稻米溲和為醢付全豚之外而煎諸膏膏必沒此炮豚又以大鑊湯盛此煎豚之小鼎煮三日夜而后調以醢醬此言為

炮之法

鄭氏孔氏陸氏

擣珍取牛羊麋鹿麇之肉必胾每物與牛若一搯反側

之去其餌孰出之去其皴柔其肉

胾音每搯之麋反餌音二

胾脊側肉取其胾擣以為珍每物擣之法皆與牛一

捶即擣之也。餌古云筋臄也。山陰陸氏謂餌為煎餌之餌。言嘗以物為餌。既熟則去其餌而出之。又去其魄。莫而柔和其肉。遂為珍矣。此言擣珍之法。集

漬取牛肉必新殺者。薄切之。必絕其理。湛諸美酒。期朝而食之。以醢若醢醢。湛子潛反。又直蔭反。期音幾。醢於紀反。

補 湛浸也。期朝謂周一朝。醢醢之類。此言為漬之法。

為熬。捶之去其皸。編萑布牛肉焉。屑桂與薑以灑諸上。

而鹽之乾而食之施羊亦如之施麋施鹿施麇皆如牛
羊欲濡肉則釋而煎之以醢欲乾肉則捶而食之

鹽音

熬於火上為之言也此言為熬之法

本鄭氏

糝取牛羊豕之肉三如一小切之與稻米稻米二肉一
合以為餌煎之

三如一謂取牛羊豕三者之肉等分如一稻米二肉

一者謂二分稻米一分肉也。此言為糝之法

補

肝骨取狗肝一幪之以其骨濡炙之舉焦其骨不蓼取

稻米舉糶澁之小切狼觸膏以與稻米為酏懔音蒙酏之然反

背腸間脂舉皆也狼觸膏者臆音意中膏也酏作餉三

相參為糝兩相差池為酏謂小切狼觸膏與稻米為

酏也。此言為肝膏之法補

禮始於謹夫婦為宮室辨外內男子居外女子居內深
宮固門閹寺守之男不入女不出

閹掌中門之禁寺掌內人之禁令鄭氏

男女不同梳样不敢縣於夫之禪梳不敢藏於夫之篋

笥不敢共溷浴夫不在斂枕篋簟席褥器而藏之少事

長賤事貴咸如之夫婦之禮唯及七十同藏無間

槌以支反

枹音嫁縣音玄枹音揮笥息吏反

植曰禪橫曰椀挂衣者也枕藏以篋簟席韜以褥

鄭用

補氏

故妾雖老年未滿五十必與五日之御將御者齊漱澣
慎衣服櫛緝笄總角拂髦衿纓綦屨雖婢妾衣服飲食
必後長者妻不在妾御莫敢當夕

齊爭皆反

將御必齋漱澣所以致潔敬婢妾衣服飲食必後長

者不以賤廢上下之分妾御不當夕避上僭之嫌

方氏

妻將生子及月辰居側室夫使人日再問之作而自問

之妻不敢見使姆衣服而對至於子生夫復使人日再

問之夫齋則不入側室之門子生男子設弧於門左女

子設悅於門右三日始負子男射女否

姆音茂

月辰生月之辰初朔之日也側室在燕寢之旁弧示

有事於武悅事人之佩巾

鄭氏孔氏

國君世子生告於君接以大牢宰掌具三日卜士負之
吉者宿齋朝服寢門外詩負之射人以桑弧蓬矢六射
天地四方保受乃負之宰醴負子賜之束帛卜士之妻

大夫之妾使食子

接古音捷
方氏如字

接以大牢接見其子也卜士卜求其士以負之卜得
吉者則齋宿盛服於寢門之外詩負之古注以詩為
承方氏謂能詩者負之期其能言也宰既掌具故以
醴禮其負子之士仍賜束帛以酬之也既又卜士之

妻或大夫之妾使食其子食之者乳之也

鄭氏方氏

凡接子擇日冢子則大牢庶人特豚士特豕大夫少牢國君世子大牢其非冢子則皆降一等

擇日卜日也。此論國君至庶人接子牲牢之等并

適庶不同

孔氏

異為孺子室於宮中擇於諸母與可者必求其寬裕慈惠溫良恭敬慎而寡言者使為子師其次為慈母其次為保母皆居子室他人無事不往

可者謂雖非諸母而其德可為師者。特埽一室以處孺子擇子師教示善道慈母知其嗜欲保母安其

居處

鄭氏

三月之末擇日剪髮為髻男角女羈否則男左女右是日也妻以子見於父貴人則為衣服由命士以下皆漱澣男女夙興沐浴衣服具視朔食夫入門升自阼階立于阼西鄉妻抱子出自房當楹立東面

髻下果反

子生三月剪髮所畱不剪者謂之髻夾白相對為角

縱橫各一在頂上為羈男耦女竒取陰陽相須

孔氏方氏

姆先相曰母某敢用時日祇見孺子夫對曰欽有帥父
執子之右手咳而名之妻對曰記有成遂左還授師子

師辯告諸婦諸母名妻遂適寢

相息亮反咳戶才
反還音旋辯音通

欽有帥欲有師教而不敢怠記有成欲其成身而不
敢忘執右手明將授之事左還授師順陽道孩子咳
之則笈故謂之孩咳而名之示若笈而受其名

方氏

夫告宰名宰辯告諸男名書曰某年某月某日某生而

藏之宰告閭史閭史書為二其一藏諸閭府其一獻諸州史州史獻諸州伯州伯命藏諸州府夫入食如養禮宰謂屬吏二十五家為閭二千五百家為州閭胥中士一人州長中大夫一人史則其屬吏府其藏書之室也夫入食如養禮者其與妻食如妻始養舅姑禮

鄭氏

世子生則君沐浴朝服夫人亦如之皆立于阼階西鄉世婦抱子升自西階君名之乃降適子庶子見於外寢

撫其首咳而名之禮帥初無辭

世子適長子適子世子之弟庶子妾之子。此明見

世子及適庶禮

孔氏

凡名子不以日月不以國不以隱疾大夫士之子不敢與世子同名

為諱辟難也

補

妾將生子及月辰夫使人日一問之子生三月之末漱澣夙齊見於內寢禮之如始入室君已食徹焉使之特

餽遂入御

齊側皆反

內寢適妻寢也初來之妾特餽其餘今妾已見子夫
婦共食令生子之妾特餽其餘亦如始來時孔氏特餽
所以寵之然亦使知大分已定於其初終不可得而

易也

孔氏輔氏

公庶子生就側室三月之末其母沐浴朝服見於君擯
者以其子見君有所賜君名之衆子則使有司名之

擯傅姆之屬有賜謂於君有恩惠也此特所愛幸則

君親自名之衆子謂衆妾之子非特愛幸者則命有

司名之

鄭氏
孔氏

庶人無側室者及月辰夫出居羣室其問之也與子見父之禮無以異也

無側室故夫出避之至問妻及見子則其禮同

鄭氏

凡父在孫見於祖祖亦名之禮如子見父無辭

家統於尊也

鄭氏

食子者三年而出見於公宮則劬大夫之子有食母士

之妻自養其子

食音嗣

食子者前所謂卜使乳其子者劬勞也勞賜之也惟

大夫則然士妻賤不敢使人

用鄭氏補

由命士以上及大夫之子旬而見冢子未食而見必執其右手適子庶子食而見必循其首

旬古作均晦庵曰旬如字十日也。言子既見之後凡旬一見冢子則未食時先見適子庶子則食已乃見急於正而緩於庶也循其首者撫之以示愛

山陰陸氏

子能食食教以右手能言男唯女俞男鞶革女鞶絲

下食

音嗣

鞶古謂小囊盛悅巾長樂陳氏謂鞶帶也春秋傳鞶厲大帶易鞶帶許慎服虔皆以鞶為帶其帶男用韋

女用緇

集

六年教之數與方名七年男女不同席不共食八年出入門戶及即席飲食必後長者始教之讓九年教之數日十年出就外傳居宿於外學書計衣不帛襦袴禮帥

初朝夕學幼儀請肄簡諒

肆以
二反

數一十百千萬方名東西南北不同席共食蚤其別也教之讓示以廉恥也出入欲其行之讓即席欲其坐之讓飲食欲其食之讓也數日朔望與六甲也外傳教學之師也書謂六書計謂九數襦今之襖也不用帛為襦袴為其太溫傷陰氣也帥循也行禮動作皆遵習先日所為也朝夕學幼儀者從朝至夕學幼小奉事長者之儀也簡書篇數也諒言語信實也請

肄者請於長者而肄習之也

鄭氏
晦庵

十有三年學樂誦詩舞勺成童舞象學射御二十而冠
始學禮可以衣裘帛舞大夏惇行孝弟博學不教內而

不出

衣於
既反

樂謂六樂之器勺成王樂籥也舞籥文舞也成童謂
十五以上象文王樂舞象武舞也謂用干戈之小舞
也射謂五射御謂五御二十成人而氣強盛無慮損
傷可以衣裘帛大夏禹樂樂之文武備者也博學不

教者廣博學問未可為師以教人內而不出者蘊德

在內不可出言為人謀慮

鄭氏孔氏晦庵

三十而有室始理男事博學無方孫友視志四十始仕
方物出謀發慮道合則服從不可則去五十命為大夫

服官政七十致事

孫音遜

有室聚也男事受田給政役也孫友視志孫順朋友
視其志意所尚也仕官也方比也物事也方物出謀
則謀不過物方物發慮則慮不過物孟子曰位卑而

言高罪也此士之事也服官政統一官之政為之長

也致事則致其事於君而告老鄭氏晦庵

凡男拜尚左手

左陽也鄭氏

女子十年不出姆教婉婉聽從執麻枲治絲繭織紵組

紉學女事以共衣服觀於祭祀納酒漿籩豆菹醢禮相

助奠婉紆晚反婉音晚枲思里反紵女金反組音祖紉音迤共音恭相息亮反

十年不出年及十歲即常居內也婉有委曲意婉有

遲緩意皆婦容之柔順也聽則有所受從則無所違
執麻糸則績事治絲繭則蠶事織以機紝以箴組綬
屬閭薄者為組組似繩者為紃觀於祭祀欲其習熟
又納酒漿籩豆菹醢以致其禮相助長者而奠之於
神焉

鄭氏晦
庵方氏

十有五年而笄二十而嫁有故二十三年而嫁聘則為
妻奔則為妾凡女拜尚右手

聘者由彼而問此奔者自此而趨彼妻之言齊與之

敵體妾之言接使得接近尚右陰也

鄭氏方氏

又江陵項

氏曰鄭氏注周禮肅拜云若今婦人擡蓋古之拜如今之揖折腰而已介冑之士不拜故以肅為禮以其不可以折腰也然則其儀特斂手向身微作曲勢耳鄭氏所謂擡者蓋如此此正今時婦人揖禮也據鄭氏說則漢時婦人之拜不過如此或者乃謂唐武氏始尊婦人不令拜伏則妄矣周天元令婦人拜天臺作男子拜則雖外國婦人舊亦不作男子拜也況古者

男子之拜但如今人之揖則婦人之拜安得已如今之伏大抵今之男子以古男子之拜為揖故其拜也加以跪伏為稽顙之容今之婦人亦以古婦人之拜為揖故其拜也加以拳曲作虛坐之勢此經言尚右手者特言斂手右向如孔子拱而尚右之尚非若今人用手按膝作跪也男之尚左亦然古跪自是一禮與拜與伏不相干凡皆項氏說也晦庵周禮九捧辨惟稽首頓首為手引頭至地三曰空首則頭至手不

至地矣九曰肅拜最輕但俯下手軍中拜及婦人拜也愚按古者席地而坐以手引頭屈服向地即為拜故拜字從兩手百拜而酒三行者因坐俯地其勢易也是古之拜與今之拜不同軍中有介冑婦人有首飾皆不可俯伏故但俯手謂之肅拜是女之拜與男之拜不同又明矣世俗多疑婦人拜因併附之

黃氏日抄卷十九